

四庫全書

集部

欽定四庫全書

集部

古詩紀卷六至八

詳校官檢討臣德生

侍讀臣孫球覆勘

總校官知縣臣楊懋行

校對官編修臣吳裕德

謄錄監生臣湯師錫

欽定四庫全書

古詩紀卷六十六

明 馮惟訥 撰

齊第一

高帝

姓蕭氏諱道成字紹伯仕宋累封齊王廢宋自立○詩品曰齊高帝詩詞藻意深無所云少

塞客吟

此詩見蘇侃傳外編

逸軌皆作侃詩非也

齊書曰高帝在淮上取蘇侃為冠軍錄事參軍是時新失淮北遣帝北戍每歲秋冬間邊淮騷動帝廣遣僕候安集荒蕪又營築城府帝在兵中久見疑於時乃作塞客吟以勗志侃達此旨更自勸勵

深見知待

寶緯荼宗神經越序德晦河晉力宣江楚雲雷兆壯天
山繇武直髮指河一作秦關凝精越漢渚秋風起塞草衰

鵬鴻思邊馬悲平原千里顧但見轉蓬飛星嚴海淨月
徹河明清輝映幕素液凝庭金笳夜厲羽轉晨征幹晴
潭而悵泗柂松洲而悼情蘭涵風而瀉艷菊籠泉而散
英曲繞首燕之歎吹軫絕越之聲歛園琴之孤美想庭
藿之餘馨青闌望斷白日西斜恬源靚霧聾首暉霞戒
旋鷁躍還波情綿綿而方遠思裊裊而遂多粵擊秦中

之筑因為塞上之歌歌曰朝發兮江泉日夕兮陵山驚
飈兮澑汨淮流兮潺湲胡埃兮雲聚楚旆兮星懸愁墉
兮思宇惻愴兮何言定寰中之逆鑒審雕陵之迷泉悟
樊籠之或累悵遐心以棲玄

羣鶴詠

南史曰齊高帝鎮淮陰為宋明帝所疑被徵為
黃門郎深懷憂慮見平澤有羣鶴命筆詠之

八風舞遙翩九野弄清音一推雲間志為君苑中禽

武帝

薛賛字宣遠高帝長子也初仕宋為江
州刺史輔高帝受禪功參佐命後嗣位

估客樂

古今樂錄曰估客樂者齊武帝之所製也帝布衣時嘗遊樊鄧登祚以後追憶往事而作歌使樂府令劉琨管絃被之教習卒遂無成有人做釋寶月善解音律帝使奏之旬日之中便就諧合較歌者常重為感憶之聲猶行於世寶月又上雨曲帝數乘龍舟遊五城江中故觀以紅越布為帆綠絲為帆緋綸石為萬足萬榜者悉著鬱林布作淡黃袴列闌使江中衣出五城殿猶在齊舞十六人梁八人唐書樂志曰梁改其名為商旅行

昔經樊鄧役阻潮梅根渚感憶追往事意滿辭不叙

竟陵王子良

字雲英武帝第二子也幼聰敏宋末為郎陵王友武帝即位封竟陵王南徐州

刺史又無司徒進號車騎將軍禮才好士傾
意賓客天下才學皆遊集焉隆昌元年薨

九月侍宴

月殿風轉層臺氣寒高雲歛色遙露已團式詔司鑿言
戾秋蠻輕觴時薦落英可食

侍皇太子釋奠宴

霜輕流日風送夕雲雕櫨結綵綺井生文四連合旨八

簋舒芬闕

遊後園

託性本禽魚棲情閒物外蘿徑轉連綿松軒方杳藹
丘壑每淹留風雲多賞會

闢

行宅

并序

余稟性端疎屬愛閒外徃歲羈役浙東備歷江山之
美名都勝境極盡登臨山原石道步步新情廻池絕
澗往往舊識以吟以詠聊用述心

訪宇北山阿卜居西野外幼賞悅禽魚早性羨蓬丈

闢

登山望雷居士精舍同沈右衛過劉先生墓下作

井序〇一作同隨王

經劉先生墓下作

沛國劉子珪學優未仕跡邇心遐履信體仁古之遺
德潛舟迅景滅賞淪輝言念芳猷式懷嗟述屬舍弟
隨郡有示來篇彌鎮久要之情益深宿草之歎外望
西山率爾為答雖因事雷生實申悲劉子云爾劉йт
字子

珪沛郡相人
南史有傳

漢陵淹館蕪晉終一作稱珠風缺五都聲論空三河文義
絕興禮邁前英談玄踰往哲明情日夜深徽音歲時減

垣井總已平煙雲從容裔爾歎牛山悲我悼驚川逝

隨郡王蕭子隆

字雲興武帝第八子性和平有文才為都督荊州刺史歷侍中中軍大將

軍明帝輔政謀害

諸王子隆被害

經劉獻墓下

升堂子不謬問道余未窮如何辭白日千載隔音通山門一已絕長夜繙難終初松切暮鳥新楊催曉風棠闌向蕪密泉途轉銷空

王儉

字仲寶琅邪人宋孝武時襲爵豫寧縣侯明帝選尚陽羨公主拜駙馬都尉官至侍中後輔齊

高帝受禪改封南昌郡
公累遷侍中尚書令

侍皇太子釋奠宴

南齊禮志永明二年皇太子
講孝經親臨釋奠車駕幸德

禮惟國幹義實民端身由業潔世以教安金鎔乃器水
術伊瀾漸芳則馥履永固寒瞽宗務時頴宮善誘谷此
含生躋彼仁壽淳移雅缺歷茲永久遊藝莫師獨學誰
友三兆戒辰八鸞警旦風動萬宮雲棲參館禮邁仁周
樂超英濩神保爰格祝史斯贊鬱鬯既終德馨是與降

冕上庠升晏東序槐宰金貞藩維玉譽時彥萃莘國胄楚楚

侍太子九日宴玄圃詩

明明儲后冲默其量徘徊禮樂優游風尚微言外融幾
神內王就日齊暉儀雲等望本茂條榮源澄流潔漢稱
間平周云魯衛浴我藩華方軼前軼秋日在房鴻鴈來
翔寥寥清景靄靄微霜草木搖落幽蘭獨芳眷言淄苑
尚想濠梁既暢旨酒亦飽微猷有來斯悅無遠不柔

贈徐孝嗣

婉婉遊龍載遊載東靡靡行雲並躍齊蹤無類不感有
來斯雍之子云邁嗟我莫從歲云暮止述職戒行崇蘭
罷秀孤松獨貞悲風宵遠乘鴈晨征撫物遐想念別書

情南史載四句曰方軌叔茂追清庶輔柔亦不
茹剛亦不吐時人以比蔡子尼之行狀也

春日家園

徙倚未云暮陽光忽已收義和無停晷壯士豈淹留冉
冉一作冉冉老將至功名竟不修稷契匡虞夏伊呂翼商周

撫躬謝先哲解紱歸山丘

春詩二首

蘭生巴匝苑萍開欲半池輕風搖雜鶯細雨亂叢枝
風光承露照霧色點蘭暉青荑結翠藻黃鳥弄春飛

春夕

露華方照歲雲彩復經春虛闌稍疊草幽帳日凝塵

後園餞從兄豫章

茲夕竟何夕念別開曾軒光風轉蘭蕙流月汎虛園

王僧祐

字肩宗徵從子也舉秀才為驃騎法曹雅好博古善老莊亭然獨立不交當世仕至太子

中舍

人

贈王儉

南史曰僧祐儉之從弟也儉嘗鳴笳列騎至僧祐門僧祐輒稱疾不出儉曰此吾之所望於若人也世皆推儉之愛名德而重僧祐之不趨勢也

汝家在市門我家在南郭汝家饒賓侶我家多鳥雀

徐孝嗣

字始昌東海郯人也高宗康樂公主拜駙馬都尉入齊累遷侍中封枝江縣侯東昏失德

將謀廢立事覺召入華林省飲藥死

白雪歌

一作
琴歌

風閨晚翻靄月殿夜凝明願君早流眄無令春草生

欽定四庫全書

古詩紀卷六十七

明 馮惟訥 撰

齊第二

王融

字元長鄉郢人僧達之孫也少警慧博涉多通仕齊武帝選秘書丞歷中書郎竟陵王子良拔

為寧朔將軍武帝大漸謀立子良及蕭衍即位下

徵賜死○詩品曰齊寧朔將軍王融詩齊中庶子

劉繪詩元長士輩並有盛才詞美英淨至於五言之作幾乎凡有所短譬應變將略非武侯所長未

足以贊
卧龍也

樂府

齊明王歌辭七首

應司徒教作
以下五言

明王曲

明王日月照至樂天地和幸息雲門吹復歇咸池歌桂

序一作房金鉅轉瑤軒絲石羅朱騏步躡躅玄鶴舞蹉跎

露凝嘉草秀煙度醴泉波皇基方萬祀齊民樂如何

聖君曲

聖君應昌歷景祚啓休期龍樓神睿道兎園仁義基海
蕩萬川集山崖百草滋盤苗成萃止渝韞異來思清明

動離軒威惠

一作懷

被殊辭大哉君為后何羨唐虞時

綠水曲

湛露改寒日交鶯變春旭墳樹落晨紅瑤塘水初綠日
霽沙澈明風泉動藝文
作暗華燭遵渚泛蘭觴乘漪美清曲
斗酒千金輕寸陰百年促何用盡歡娛王度式如玉

採菱曲

炎光銷玉殿涼風吹鳳樓雕輶一作青格
僚平隰朱櫂泊安流金華妝翠羽鷗首畫飛一作龍
舟荆姬採菱曲越女江

南謳騰聲翻葉靜發一作散響谷雲浮良時時一遇佳人

難再求

清楚引

平原數千里飛觀鬱嵒嵒清月回將曙浩露零中宵
轉葉度沙海別羽自冰遠四面通寒色左右竟巖飈
澗多榛梗京索久塵苗逝將憑神武奮劒盪遺妖

長歌引

周雅聽休明齊德覲升平紫煙四時合黃河萬里清翠

柳蔭通街朱闕臨高城方轂雷塵起接袖風雲生酣笑
爭日夕絲管互逢迎徂年無促慮長歌有餘聲

散曲

金枝湛明燎繡幕列芳然層闈橫綠綺曠席綯朱纓楚
調廣陵散瑟柱秋風弦輕裙中山麗長袖邯鄲妍徐歌
駐行景迅節淪浮煙言願聖明主永永萬斯年

三婦艷詩

大婦織綺羅中婦織流黃小婦獨無事挾瑟上高堂丈

夫且安坐調弦詎未央

青青河畔草

容容寒煙起翹翹望行子行子殊未歸寤寐君一作若容

輝夜中心愛促覺後阻河曲河曲萬里餘情交襟袖疎

珠露春華返璿霜秋照一作桂晚入室怨蛾眉情歸為誰

婉

同沈右率諸公賦鼓吹曲二首

附見謝朓集或作眺詩非也

巫山高

想像

一作
勞
累

巫山高薄暮陽臺曲煙霞乍舒卷衡

一作
行

芳

自斷續

其作煙雲自卷
紆猿鳥時斷續

彼美如可期船言紛在矚撫然

坐相思

一作
望

秋風下庭綠

芳樹

相望早春日煙華雜如霧復此佳麗人含情結芳樹綺
羅已自憐暄風多有趣去來徘徊者佳人不可遇

臨高臺

遊人欲騁望積步上高臺井蓮當夏吐窓桂逐秋開花

飛低不入鳥散遠時來還看雲棟影含月共徘徊

望城行

金城十二重雲氣出表裏萬戶如不殊千門反相似車
馬若飛龍長衢無極已簫鼓相逢迎信哉佳城市

法樂辭十二首

樂府作法
壽樂歌

天長命自短世促道悠悠禪衢開遠駕愛海亂輕舟累
塵曾未極心樹豈能籌情埃何用洗正水有清流

右歌本起

百神肅以虔三靈震且越恒

一作常

曜掩芳宵薰風動闌

月丹榮藻玉墀翠羽文珠闕皓堯非虛來交輪豈徒發

右歌靈瑞

韶年春已仲明星夜未央千祀鍾休歷萬國會嘉祥金
容涵夕景翠鬢佩晨光表塵維淨覺汎俗迺輪皇

右歌下生

襲氣變離宮重柝驚層殿曼響感心神脩容轉惟宴生
老終已榮死病行當薦方為淨國遊豈結危城戀

右歌在宮

春枝多病夭秋葉少欣榮心骸終委滅親愛暫平生長
風吹北隴迅漂急東瀛知三既情暢得一乃身貞

右歌四遊

飛策辭國門端儀偃郊樹慈愛徒相思閨中空戀慕夙
隸幸往塗駿足獨歸路舉袂謝時人得道且還去一作
顧

右歌出國

明心弘十力寂慮安四禪青禽承逸軌文驪一作
鶯鏡重

川鶩巖標遠勝鹿野究清玄不有希世寶何以尊濛泉

右歌得道

亭亭雙月流朏朏晨霜結川上不徘徊條間亟渝滅靈
知湛常然符俯一作應有盈缺感運復來儀且厭人間世

泄音

右歌雙樹一作

寶樹

春

一作春

山玉所府檀林芳

一作鸞

所棲引火歸炎燧挹水

自清隄菴園無異轍祇館有同躋比肩非今古接武豈

燕齊

右歌賢衆

昔余輕歲月茲也重光陰閨中屏鉉黛闕下挂纓簪禪
悅兼芳旨法言戀一作志清琴一異非能辨寵辱誰為心

右歌學徒

峻宇臨層穹蒼蒼疎遠風騰芳清漢裏響梵高雲中
金華紛冉若瓊樹鬱青葱貞心延淨境邃業嗣天宮

右歌供具

影響未嘗隔晦明殊復親弘慈邈已遠膚后扇高塵區
中禔景福寓外沐深仁祀留國祚億兆慶唐民

右歌福應

少年子

聞有東方騎遙見上頭人待君送客返桂釵當自陳

江臯曲

林斷山更續洲盡江復開雲峯帝鄉起水源桐柏來

思公子

春盡風颯颯蘭凋木脩脩王孫久為客思君徒自憂

王孫遊

玉臺作
春遊

置酒登廣殿開襟望所思春草行已歇何事久佳期

陽翟新聲

隋書翟
作澤

懷春發下蔡含笑向陽城耻為飛雉曲好作鳴雞鳴

永明樂十首

謝朓
同賦

玄符昭景歷茂實偶英聲長為南山固永與朝日明
靈丘比翼棲芳林合條起兩代分憲章一朝會書軌

二離金玉相三袞蘭蕙芳重儀文世子再奉東平王
空谷返逸驂陰山響鳴鶴振玉躡丹墀懷芳步青閣
崇文晦已明膠庠雜復整弱臺留折巾沂川詠芳頴
定林去喧俗鹿野出埃霞香風流梵琯澤雨散雲花
楚望傾澑滌日館仰鑾鈴已睇五雲發方照兩河清
幸哉明盛世壯矣帝王居高門夜不柝飲帳曉長舒
總棹金陵渚方駕玉山阿輕露炫珠翠初風搖綺羅
西園抽蕙草北沼掇芳蓮生蓬永明樂死日生之年

奉和秋夜長

玉臺作
秋夜

秋夜長夜長樂未央舞袖拂花燭歌聲繞鳳梁

詩

贈族叔衛軍

台曜澄華鉉岳裁峻經天為象麗地作鎮不器其德有
斐斯文質超瑚璉才逸卿雲搖筆泉瀉動詠霧紛德馨
伊何如蘭之宣貞筠抽箭潤璧懷山六樂畢該五禮備
貫七訓是數三英有榮惟旦惟公惟公惟旦

從武帝琅邪城講武應詔

治兵聞魯策訓旅見周篇教民良不棄任智理恒全白
日映丹羽頽霞文翠旆凌山炫組甲帶水被戈船凝霞
鬱摧愴清管乍聯綿早逢文化洽復屬武功宣願陪玉
鑾右一舉掃燕然

棲玄寺聽講畢遊邸園七韻應司徒教

道勝業茲遠心閒地能隙桂橑鬱初裁蘭墀坦將闢虛
檐對長嶼高軒臨廣液芳草列成行嘉樹紛如積流風

轉還
旋逕清煙泛喬石日汨山照紅松映水華碧暢哉人外賞遲遲眷西夕

雜體報范通直

和璧荆山下隋珠漢水濱無雙自昔代有美今為隣三楚多秀士江上復才人緯綃非善賈聖德可名臣追飛且學步共子奉清塵紫庭風日好青槐枝葉新徘徊吹樓側欲見心所親荅君蘭蕙草何用以書紳
莊子河上有家貧情緯蕭而食者註蕭萬也織萬為薄綃輕蕭字之誤也荅未詳音義融集作微

蕭諤議西上夜集

古文苑作
別蕭諤議

徘徊將所愛惜別在河梁衿袖三春隔江山千里長寸
心無遠近邊地有風霜勉哉勤歲暮敬矣事五
董作慎容光
山中殊未憚杜若空自芳

別王丞僧孺

藝文作
謝眺

首夏實清和餘春滿郊甸花樹雜為錦月池皎如練如
何於一作當此時別離言與宴留雜已鬱紆行舟亦遙衍
非君不見思所悲思不見

寒晚敬和何徵君點

踈酌候冬序閒琴改秋律如何將暮天復值西歸日搖
落迎軒牖飛鳴亂繩草煙灌共深陰風篁雨蕭瑟虛堂
無笑語懷君首如疾早輕北山賦晚愛東臯逸上德可
潤身下澤有徐轡

叶音必

和王友德元古意二首

遊禽暮知返行人獨未歸坐銷芳草氣空度明月輝噭
容入朝鏡思淚點春衣巫山彩雲沒淇上綠楊稀待君

竟不至秋鴈雙雙飛

霜氣下盟津秋風度函谷念君淒以寒當軒卷羅縠纖手
縵裁縫曲鬢罷膏沐千里不相聞寸心鬱紛縕聲平況

復飛螢夜木葉亂紛紛

奉和竟陵王郡縣名

追芳承荔浦楫道訊虛丘升居臨廣牧從望盡平洲曾
山臨翠坂方渠緬清流陽臺翻早茂陰館懷名秋歲宴
東光弭景仄西華收端溪懸昔彥測水謝前修往食曲

阜城今屬平臺遊燕棠缺初雅鄭袞息遺謳久傾信都
羨乃結茂陵儔河間誠可詠南海果難遊

遊仙詩五首

集云
應故

桃李不奢年桑榆多暮節常恐秋蓬根連翩因風雪杳
道遍槐嶺追仙度瑤碣綠帙啓真詞丹經流妙說長河
且已繁曾山方可礪叶音

獻歲和風起日出東南隅鳳於亂煙道龍駕溢雲區結
賞自員嶠移讌乃方壺金卮浮水翠玉斝挹泉珠徒用

霜露改終然天地俱

命駕瑤池隈過息羸女臺長袖何靡靡簫管清且哀璧
門涼月舉珠殿秋風迴清鳥驚高羽王母停玉杯舉手
暫為別千年將復來

湘沅有蘭芷汨吾欲南征遺珮出長浦舉袂望增城朱
霞拂綺樹白雲照金楹五芝多秀色八桂常榮弭節
且夷與參差聞鳳笙

命駕隨所即燭龍導輕鰐沙澤振寒草弱水駕冰潮遠

翔馳聲響流雪自飄颻忽與若士遇長舉入雲霄羅繹
徒有睨蛾暝已寥寥

淨行詩十首

廣弘明集作淨行
頌初學記作詩

冥津殊復曉高聽亦能卑陰牆雖雨密幽夜有四知炎
山飈烈火冰澗重寒澌羅城振雲幕鋒樹鬱霜枝茹荼
非云苦集木豈稱危求仁曾已得長歎欲何為

韞石諒非真飾瓶信為假竊服臯門上濫吹溜軒下鳳
祀徒驚心騶文終好野實相豈或照浮榮未能捨迹殊

冠冕客事襲驅馳者已矣歌鄭聲無然亂周雅

處塵貴不染被褐重懷珠美玉曜幽石曾蘭挺叢芻四

氏一作民不為侶三界豈能渝諒茲親愛染寧以財利拘

煩流捨智寶榛路坦夷途萬物竟何匹烈火樹紅英一作

跌

心怨動紛繞情怡輒遷互歡愛一離遠傷憂坐衰暮連
幌結清陰高臺起風露腐毒緣芳旨天伐實修姱慾網
必虧生繁置或全免眇眇夜何期悠悠終肯悟

端襟測煩海，矯步寫埃氛。
三受猶絕雨，八苦若浮雲。
輸心仰圓極，罄質委方墳。
朝遊淨國侶，暮集靈山羣。
燈祇開遠照，香宇薦嘉薰。
俛首睇人俗，信矣靜為君。

生塗非一理，識緒固旣津。
徒駭東陵富，空嗟北郭貧。
國生曾已戾，顧氏信為仁。
逢尤昭往業，習善會茲身。
勤憂永夷泰，晏安終苦辛。
令名且云重，豈若樹良因。

神膏施唯重，玄酒恩未隆。
明璣隨水上，潤玉藍田中。
稟天性所極，資敬道攸崇。
羽毛共以勢，輪軌相為通。
報德

愴前雅酌言愛餘風遵塗每夕舛顧省能無冲
冬狐狸豐毳春蠶繙輕絲形骸翻為阻心識還自欺華
榮羈艸日生平少年時驅車追俠客酌酒美妖姬但念
目前好安知身後悲惕然一以愧永與情愛辭

蘭室改蓬心栴崖變伊草丹青有必渝絲

一作素樂

豈常

皓曲轍且繩直詭木遂彫藻一貫或成山百里倦中道
隆一作崇漢乃王臣失楚信元保勉矣德不孤至言匪虛

造

金山嚴寶仍瓊睨烈瑤莫牆狐議不窟檐燕竟能棲淨
花莊思序慧沼盥身倪六羣儻未一七衆固恒齊端儀
有直景正道無傾蹊維官超以悟襄野竟何迷

春遊廻文詩

藝文類聚
作賀道慶

枝分柳塞北葉暗榆關東垂條逐絮轉落葉散花叢池
蓮照曉月幔錦拂朝風低吹雜綸羽薄粉艷粧紅離情
隔遠道歎結深閨中

侍遊方山應詔

巡躅望登年帳飲臨秋縣日羽鏡霜浮雲旗落風甸四
瀛良在目八寓宛如見小臣竊自嘉預奉柏梁讌

奉辭鎮西應教

未學謝能箕高義幸知遊雷庭參辯奭梁苑豫才鄒徘徊
歲光晚搖落紅樹秋風旗紫別浦霜琯迥遙洲

餞謝文學離夜

所知共歌笑誰忍別笑歌離軒思黃鳥分渚愛青莎翻
情結遠旆灑淚與行波春江夜明月還望情如何

和南海王殿下詠秋胡妻七首

樂府作
秋胡行

日月共爲照松筠俱以貞佩紛甘自遠結鏡待君明且
協金蘭好方愉琴瑟情佳人忽千里幽閨積思生
景落中軒坐悠悠望城闕高樹升夕煙層樓滿初月光
陰非或異山川屢難越輶泣揜鉤姿搔首亂雲髮

傾魄屬祖火搖念待方秋涼氣承宇結明燭傃階流三
星亦虛映四屋慘多愁思君如萱草一見乃忘憂

杼軸鬱不諧契闊新故朔風櫺上發寒鳥林間度客

遠之衣裘歲晏饒霜露參差興別緒依遲起離慕

願言如可信行邁亦云反睇景不告勞瞻途寧遠遠何以淹歸轍蠶妾事春晚送目亂前華馳心迷舊婉

椒珮容有結振芳跂路闊黃金徒以賦白珪終不渝明
心良自皎安用久踟蹰遄車及粉巷流日下西虞

披惟悵有望出門遲所欲彼羨復來儀慙顏變欣矟蘭
艾隔芳臭涇渭分清濁去去夫人子請殉川之曲

琵琶

見謝朓集

抱月如可明懷風殊復清絲中傳意緒花裏寄春情
掩抑有奇態悽鏘多好聲芳袖幸時拂龍門空自生

詠幔

古文苑作謝朓

幸得與珠綬羃屣君之楹月映不辭卷風來輒自輕每
聚金爐氣時駐玉琴聲但願置尊酒蘭缸當夜明

藥名

以下二首見事林廣記

重臺信嚴敞陵澤乃閒荒石蠶終未圃垣衣不可裳秦
芳留近詠楚蘋擢遠翔韓原結神草隨庭銜夜光

星名

眇歎屬辰移端憂臨歲永久慙入漢客每愧遵河影仙
羽誠不退蓬襟良未整誰謂無正心大陵有霜頰

奉和月下

雕雲度綺錢香風入珠網獨知此夜月依遲慕神賞

詠池上梨花

翻墮沒細草集水間踈萍芳春照流雪深夕映繁星

詠梧桐

鶯鳳影層枝輕虹鏡展綠豈斂龍門幽直慕瑤池曲

詠女蘿

羃屣女蘿草蔓衍旁松枝含煙黃且綠因風卷復垂

移席琴室應司徒教

雪崖似留月蘿徑若披雲潺漫石溜渴綿巒山雨聞

抄衆書應司徒教

說禮固多才惇詩信為善巖笥發仙華金縢開碧篆

奉和代徐二首

玉臺作自君之出矣

自君之出矣芳艱絕瑤卮思君如形影寢興未曾離
自君之出矣金鑪香不然思君如明燭中宵空自煎

擬古二首

一作代藁砧
二作鏡臺

花帶今何在亦是林下生何當垂雙髻團扇雲間明
鏡臺今何在寸身正相隨何當碎暎玉雲上璧已虧

四色詠

赤如城霞起青如松霧澈黑如幽都雲白如瑤池雪

離合賦物為詠

王臺云
詠火

冰容慙遠鑒水質謝明暉是照相思夕早望行人歸

後園作廻文詩

此當為梁元帝詩觀簡文諸人和詩可見藝文逸名俟再考證

斜峯繞徑曲聳石帶山連花餘拂戲鳥樹密隱鳴蟬

雙聲詩

園衡眩紅藹湖荇燭黃華廻鶴橫淮翰遠越合雲霞

代五雜組

五雜組慶雲發往復還經天月不獲已生胡越

奉和纖纖

雨頭纖纖綺上紋半白半黑鷓翔羣脣脣脣烏迷曛
磊磊落落玉石分

王延

別蕭誥議

霏雲承永夜皓燭驚離軒執酒愴誰與舉袖默無言忍
茲君為別如此歲方暄年深北岫時鳥思南國園江上
愁別日階下樹芳蓀

古詩紀卷六十七

欽定四庫全書

古詩紀卷六十八

明 馮惟訥 撰

齊第三

謝朓

字玄暉 宋僕射景仁之從孫少有美名齊隨王
子隆鎮荊州以為文學未幾求還都除新安王

記室尋兼尚書殿中郎宣城王鸞輔政以為驃騎
諮議掌中書詔語轉中書郎出補宣城太守後遷
至吏部郎兼駕尉永元初江右謀立始安王遜光
引以為黨不從收下獄死○詩品曰謝朓詩其源

出于謝混微傷細密頗在不倫一章之中自有玉
石然奇章秀句往往警道足使叔源失步明遠變
色善自發詩端而末篇多躡此意銳而才弱也至
為後進士子之所嗟慕朓極與余論詩感激頓挫

遇其文

樂府

隨王鼓吹曲十首

以下五言

齊永明八年謝朓奉鎮西隨王教於荊州道中作
鈞天以上三曲頌帝功枝獮以上三曲頌藩德

元會曲

二儀啟昌歷三陽應慶期珪賚紛成序鞮譯憬來思分
階絕組練充庭羅翠旗觴流白日下吹溢景雲滋天儀

穆藻殿萬富壽皇基

郊祀曲

六宗禋配岳五畤奠甘泉整蹕游九闕清簫開八埏鏘
鏘玉鑾動溶溶金陣旋郊宮光已屬升柴禮既虔福饗
靈之集南岳固斯年

鈞天曲

高晏顥天臺置酒迎風觀笙鏞禮百神鍾石動雲漢瑤
堂琴瑟驚綺席舞衣散威鳳來參差玄鶴起凌亂已
慶明庭樂詎慙南風彈

入朝曲

江南佳麗地金陵帝王州逶迤帶綠水迢遞起朱樓飛
薨夾馳道垂楊蔭御溝遲笳翼高蓋疊鼓送華輶獻納
雲臺表功名良可收

出藩曲

雲枝紫微內分組承明阿飛艎溯極浦旌節去闕河眇
眇蒼山色沉沉寒水波銚音巴渝曲簫鼓盛唐歌夫君
邁惟德江漢仰清和

校獵曲

凝霜冬十月殺威涼颼哀原澤曠千里騰騎紛往來平
置望煙合烈火從風迴殪獸華容浦張樂荆山臺虞人
昔有諭明明時戒哉

從戎曲

遙旅辭轆轤弭節赴河源日起霜戈照風迴連騎翻紅
塵朝夜合黃沙萬里昏寥戾清笳轉蕭條邊馬煩自勉
輶耕願征役去何言

送遠曲

北梁辭歡宴南浦送佳人方衢控龍馬平路騁朱輪瓊筵妙舞絕桂席羽觴陳白雲丘陵遠山川時未因一為清吹激潺湲傷別巾

登山曲

天明開秀毫瀾光媚碧堤風盪飄鶯亂雲行芳樹低暮春春服美遊駕凌丹梯升嶠既小魯登巒且悵齊王孫尚遊符蕙草正萋萋

泛水曲

玉露霑翠葉金風鳴素枝罷遊平樂苑泛鷁昆明池旌
旗散容裔簫管吹參差日晚歎遵渚採菱贈清漪百年
如流水寸心寧共知

江上曲

易陽春草出踟蹰日已暮蓮葉尚田田淇水不可渡願
子淹桂舟時同千里路千里既相許桂舟復容與江上
可采菱清歌共南楚

蒲生行

本集不載
樂府詩集見

蒲生廣湖邊託身洪波側春露惠我澤秋霜縛我色根葉從風浪常恐不永植攝生各有命豈云智與力安得遊雲上與爾同羽翼

詠邯鄲才人嫁為斬養卒婦

生平宮閣裡出入侍丹墀開笥方羅縠窺鏡比蛾眉初別意未解去久日生悲憔悴不自識嬌羞餘故姿夢中忽彷彿猶言承燕私

同沈右率諸公賦鼓吹曲名

右率諸公詩各見本集

芳樹

早飄華池陰復影

一作鼓

滄洲柂椅杌芳若斯歲蕤紛可

結霜下桂枝銷怨與飛蓬折不廁玉盤滋誰憐終委絕

臨高臺

千里常思歸登臺臨嶠翼纔見孤鳥還未辨連山極四
面動清風朝夜起寒色誰知倦遊者嗟此故鄉憶

同賦雜曲名

時為宣城守擅秀才江朝詩陶功曹朱孝廉同賦詩別見

秋竹曲

姪娟綺窓北結根未參差從風既裊裊映日頗離離欲求棗下吹別有江南枝但能凌白雪貞心蔭曲池

曲池之水

緩步遵莓渚披衿待蕙風芙蓉舞輕帶芭箇出芳叢浮雲自西北江海思無窮鳥去能傳響見我綠琴中

同謝諧議詠銅爵臺

總帷飄井幹樽酒若平生鬱鬱西陵樹詎聞歌吹聲芳

襟染淚迹蟬娟空復情玉座猶寂寞況乃妾身輕

永明樂十首

王融同賦

南齊書樂志曰永明樂歌者竟陵王子良與諸文士造奏之人為十曲

帝圖開九有皇風浮四溟水明一為樂咸池無復靈
民和禮樂富世清歌頌徽鴻名軼卷領稱首邁垂衣
朱臺鬱相望青槐分馳道秋雲湛甘露春風散芝草
龍樓日月照淄館風雲清儲光溫似玉藩度式如瓊
化洛鯢海君恩變龍庭長西北鶯環襄東南盡龜象

出車長洲苑選旅朝夕川絡絡結雲騎奕奕泛戈船
燕駟遊京洛趙服麗有輝清歌留上客妙舞送將歸
寶相薄五禮妙花開六塵明祥已玉燭寶瑞亦金輪
生蔑薛蘿性身與佳惠隆飛纓入華殿屣步出重宮
彩鳳鳴朝陽玄鶴舞清商瑞此永明曲千載為金皇
同王主簿有所思

佳期期未歸望望下鳴機徘徊東陌上月出行人稀

銅雀悲

落日高城上餘光入總惟寂寂深松晚寧知琴瑟悲

玉階怨

夕殿下珠簾流螢飛復息長夜縫羅衣思君此何極

金谷聚

渠碗送佳人玉杯邀玉臺作要上客車馬一東西別後思今

夕

王孫遊

綠草蔓如絲雜樹紅英發無論君不歸君歸芳已歇

詩

侍宴華光殿曲水奉勅為皇太子作

九章以
下四言

旁求邃古逖聽鴻名大寶曰位得一為貞朱梯叶祉緣
字擣英升配同賀進讓殊聲

大橫將屬會昌已命國步中徂宸居膺慶璽劍先傳龜
玉增映宗堯有緒復禹無競

禮行郊社人神受職寶效山川鱗羽變色玄塞北靡丹
徼南極浮毳駕風非本集作飛泳本集作登陟

能官民秀利建天附朽鵠列野營絳分區論思帝則獻
納宸樞麟趾方定鶴翼誰濡

西京靄靄東都濟濟秋祓灌流春禊浮醴初吉云獻上
除方啟昔駕陽頴今帳雲陞

嘉樂舊矣芳宴在斯載留神矚有眸天儀龍精已映威
仰未移葉依黃鳥花落春池

高殿弘敞禁林稠密青磴崛起丹樓間出翠葆隨風金
戈動日惆悵清管徘徊輕佾

灞滻入筵河淇流作海

一作
若

來往觴肴汎泝歡

飲有終

本集作
終日

清光欲暮輕貂回首

本集作
作道

華組徐步

登賢博望獻賦清漳漢貳稱敏魏雨垂芳監撫有則七

鬯無方瞻言守器永愧元良

三日侍華光殿曲水宴代人應詔

十章

羣分未辨類聚茲式天曇休明且求至德御繁實簡制
動惟默官府百王衣裳萬國

中葉遭閏副內多違悠悠靈貺爰有適歸於昭睿后撫

運天飛凝居中縣神動外畿

懸象著明離光乃位我有儲德徽猷淵備長壽察書龍
樓廻轡重道上庠行遵儒肆

朝陽有幹布葉萋萋思皇威矣鶴羽高棲出馳先輶入
秉介珪瞻秦望井建魯分奎

求賢每勞得士方逆有覺斯順無文咸秩萬箱惟重百
鍾載郵屈草戒諛階蓂紀日

文教已肅武節既馳榮光可照合璧如規載懷姑射尚

想瑞池灌龍乃飾天淵在斯

作樂順動實符時義上春初吉亦留淵寄紅樹巖舒青莎水被雕梁虹拖雲冕鳥跋

高懸甲帳周褰黼帷長筵列陞激水旋墀浮醪聚蟻靈蔡呈姿河宗躍踢海介夔跪

弱腕纖腰邇延妙舞秦箏趙瑟殷勤促柱降席連綾稱觴接武稽首萬年獻茲多祜

天地既成泉流既清薄幕沾幸屬奉文明將標齊配刻

掃秦京願馳龍漠飲馬懸旌

三日侍宴曲水代人應詔

九章

神理內寂機象外融遺情汾水垂冕鴻宮樹以司牧匪
我求蒙徒勤日用誰契玄功

往晦必明來碩資塞於皇克聖時乘御辯寶歷載暉瑤
光重踐昭昭舊物熙熙遷善

當寧日是求衣未明抵璧焚翠銷劍隳城九疇式序三
辟載清虞箴罔闕疊奏傳聲

麗景則春儀方在震重聖積厚金式瓊潤天爵必諧王
臣咸盡璧諸華霍惟邦之鎮

正朔葱瀚冠冕卽越爭長明堂相超魏闕龜蒙南薦環
襄西發巢閣易窺馴庭難載

上已惟昔子彼禊流祓穢河濱張樂春疇既停龍駕亦
泛鳬舟靈宮具備矣無待茲遊

初鶯鳴曉朝霞開夜飾陞道源迴伊流灞極望天淵曲

阻亭榭間館巖敞長廊水架

金觴搖蕩玉俎推移達浮水豹席擾雲螭寥亮琴瑟噭
咷墳箋歡茲廣讌穆穆天儀

周道如砥康衢載直徒愧玄黃負恩無力華輜徒駕長
纓未飾相彼失晨寧忘鼓翼



古詩紀卷六十八

欽定四庫全書

集部

古詩紀卷六十九至七十一

詳校官檢討臣德生
侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣湯師錫

欽定四庫全書

古詩紀卷六十九

明 馮惟訥 撰

齊第四

謝朓

二

詩

遊山

以下五言

託養因支離乘閒遂疲蹇語默良未尋得喪云誰辯
幸蒞山水都復值清冬緬凌崖必千仞尋谿將萬轉堅

崿既凌嶒迴流復宛澶杳杳雲竇深淵淵石溜淺傍
眺鬱羃勞還望森柂梗荒隩被蒼莎崩壁帶苔蘚鼯
狖叫層崕鷗鳬戲沙衍觸賞聊自觀即趣咸已展經目
惜所遇前路欣方踐無言蕙草歇留垣芳可攀尚子時
未歸邴生思自免永志昔所欽勝迹今能選寄言賞心客
得性良為善

遊敬亭山

茲山亘百里合沓與雲齊隱淪既已託靈異居然樓上

千載白日下屬帶迴谿交藤荒且蔓穆枝聳復低獨鶴
方朝唳饑艤此夜啼漂雲已漫漫夕雨亦淒淒我行雖
紆組兼得尋幽蹊緣源殊未極歸徑窅如迷要欲追奇
趣即此凌丹梯皇恩竟已矣茲理庶無睽

將遊湘水尋句溪

既從陵陽釣挂鱗驂赤螭方尋桂水源謁帝蒼山陲辰
哉且未會乘景美清漪瑟汨瀉長淀潺湲赴兩岐輕蘋
上靡靡襯石下離離寒草分花映戲鮪乘空移興以暮

秋月清霜落素枝魚鳥余方翫纓綾君自縻及茲暢懷
抱山川長若斯

遊東田

戚戚苦無悰携手共行樂乘雲陟累榭隨山望閨閣遠
樹曖阡阡生煙紛漠漠魚戲新荷動鳥散餘花落不對
芳春酒還望青山郭

答王世子

飛雪天山來飄聚繩櫺外蒼雲暗九重北風吹萬籟有

酒招親朋思與清顏會
能席惟爾安羔裘
豈吾帶公子
不垂堂誰肯憐蕭艾

答張齊興

荆山縱百里漢廣流無極北馳星斗正南望朝雲色川
隰同幽快冠冕異今昔子肅兩岐功我滯三冬職誰知
京洛念彷彿昆山側向夕登城濠潛池隱復直地迥聞
遙蟬天長望歸翼清丈忽景麗思泉紛寶飾勿言修路
阻勉子康衢力曾厔寂且寥歸軫逝言陟

暫使下都夜發新林至京邑贈西府同僚

大江流日夜客心悲未央徒念闐山近終知返路長秋
河曙耿耿寒渚夜蒼蒼引領見京室宮雉正相望金波
麗鵠鵠玉繩低建章驅車鷗門外思見昭丘陽馳暉不
可接何況隔兩鄉風雲有鳥路江漢限無梁常恐鷹隼
擊時菊委嚴霜寄言羃羅者寥廓已高翔

酬王晉安

王德元

稍稍枝早勁塗塗露晚晞南中榮橘柚寧知鴻鴈飛拂

霧朝青閣日旰坐形闌
悵望一途阻參差
百慮依春草
秋更綠公子未西歸
誰能久京洛
纏塵染素衣

郡內高齋間望答呂法曹

呂僧珍為齊王法曹

結構何迢遞曠望極高深
牕中列遠岫庭際俯喬林
日出衆鳥散山暝孤猿吟
已有池上酌復此風中琴
非君羨無度孰為勞寸心
惠而能好我問以瑤華音若遺金門步見就

玉山峯

在郡卧病呈沈尚書

淮揚股肱守高卧猶在茲況復南山曲何異幽棲時連
陰盛農節臺笠聚東菑高閣常晝掩荒堦少諍辭珍
簟清夏室輕扇動涼颸嘉飴聊可薦綠蟻方獨持夏
李沈朱實秋蘿折輕絲良辰竟何許夙昔夢佳期坐
嘯徒可積為邦歲已暮弦歌終莫取撫機今自嗤

別王丞僧儒

古文苑
作王融

首夏實清和餘春滿郊甸花樹雜為錦月池皎如練
如何當此時別離言與宴留難已爵紆行舟亦遙矜非

君不見思所悲思不見

同羈夜集

積念隔炎涼驟言始今夕已對濁尊酒復此故鄉客霜
月始流砌寒蛸早吟隙幸藉京華遊邊城讌良席樵採
咸共同荆莎聊可藉恐君城闕人安能久松柏

新亭渚別范零陵雲

洞庭張樂地瀟湘帝子遊雲去蒼梧野水還江漢流
停驂我慘望輶棹子夷猶廣平聽方籍茂陵將見求

心事俱已矣江上徒離憂

忝役湘州與宣城吏民別

弱齡倦簪履薄晚忝華輿間沃盡地區山泉諧所好幸遇昌化穆惇淳一作俗罕驚暴四時從偃息三省無侵冒下

車遽喧席紵服始野竈榮辱未遑敷德禮何由尊汨徂奉南岳兼秩典邦號疲馬方云驅鉛刀安可操遺患良寂寥恩靈亦匪報桂水日悠悠結言幸相勞吐納貽爾和窮通助所蹠

懷故人

懷一
作贈

芳洲有杜若可以贈佳期望望忽超遠何由見所思行
行未千里山川已間之離居方歲月故人不在茲清風
動簾夜孤月照牕時安得同携手酌酒賦新詩

始之宣城郡

下惟闕章句高談媿名理踈散謝公卿蕭條依椽史簪髮
逢嘉會教義承君子心迹苦未并憂歡將十祀幸沾雲雨
慶方轡參多士振鶩徒追飛羣龍難覩齒烹鮮止貪競

共治理一作屬廉耻伊余昧損益何用祇千里解劙北宮朝息

駕南川淳寧希廣平詠聊慕華陰市棄置究洛遊多謝
金門裏招招漾輕楫行行趨巖趾江海雖未從山林於此始
之宣城郡出新林浦向板橋

江路西南永歸流東北驚天際識歸舟雲中辨江樹旅
思倦搖搖孤遊昔已屢既歡懷祿情復協滄洲趣置
塵自茲隔賞心於此遇雖無玄豹姿終隱南山霧

休沐重還丹陽道中

薄游第從告思閒願罷歸還卽歌賦似休汝車騎非灞池不可別伊川難重遠汀葭稍靡靡江菼復依依田鵠遠相呴沙鶴忽爭飛雲端楚山見林表吳岫微試與征徒望鄉淚盡沾衣賴此盈樽酌含景望芳菲問我勞何事需沐仰清徽志狹輕軒冕恩甚戀閨闥歲華春有酒初服偃郊扉

京路夜發

擾擾整夜裝肅肅戒徂兩曉星正寥落晨光復滌滌猶沾餘露園稍見朝霞上故鄉邈已夐山川脩且廣文奏

方盈前懷人去心賞欵躬每躅躅瞻恩惟震蕩行矣
倦路長無由稅歸鞅

晚登三山還望京邑

灞涘望長安河陽視京縣白日麗飛甍參差皆可見餘
霞散成綺澄江靜如練喧一作鳥覆春洲雜英滿芳甸
去矣方滯淫懷哉罷歡宴佳期悵何許淚下如流霰有
情知望鄉誰能鬒不變

始出尚書省

惟昔逢休明十載朝雲陞既通金闈籍復酌瓊筵醴宸
景厭昭臨昏風淪繼體紛虹亂朝日濁河穢清濟防口
猶寬政餐茶更如薺英袞暢人謀文明固天啓青精翼
紫軼黃旗映朱邸還覩司隸章復見東都禮中區咸已
泰輕生諒昭酒洗^音趨事辭宮闕載筆陪旌棨邑里向疎
蕪寒流自清泚哀柳尚沈沈凝露方泥泥零落悲友朋歡
娛燕兄弟既秉丹石心寧流素絲涕因此得蕭散垂竿
深澗底

直中書省

紫殿肅陰陰彤庭弘敞風動萬年枝日華承露掌玲瓏結綺錢深沈映朱網紅藥當階翻蒼苔依砌上茲言翔鳳池鳴珮多清響信羨非吾室中園思偃仰朋情以鬱陶春物方駘蕩安得凌風翰聊恣山泉賞

觀朝雨

朔風吹飛雨蕭條江上來既灑百常觀復集九成臺空濛如薄霧散漫似輕埃平明振衣坐重門猶未開耳目

暫無擾懷古信悠哉戢翼希驥首乘流畏曝鰐動息無
兼遂岐路多徘徊方同戰勝者去剪北山萊

宣城郡內登望

借問下車日匪直皇舒圓寒城一以眺平楚正蒼然山
積陵陽阻溪流春穀泉咸紆距遙甸嶺岩帶遠天切切
陰風暮桑柘起寒煙悵望心已極惝恍況魂屢遷結髮倦
為旅平生早事邊誰規鬻食盛寧要振白鮮方棄汝南
諾言稅遼東田

冬日晚郡事隙

案牘時閒暇偶坐觀卉木颯颯滿池荷翛翛蔭牕竹簷
隙自周流房櫳間且肅蒼翠望寒山峰嶸平陸已惕
慕歸心復傷千里目風霜旦夕甚蕙草無芳馥云誰美
笙簧孰是厭邁軸願言稅逆駕臨潭餌秋菊

高齋視事

餘雪映青山寒霧開白日曖曖江村見離離海樹出披
衣就清盥憑軒方秉筆列俎歸單味連駕止容膝空為

大國憂紛訛謗非一安得掃荒逕鎖吾愁與疾

冬緒羈懷示蕭諮議虞田曹劉江二常侍

去國懷丘園入遠滯城闕寒燈耿宵夢清鏡悲曉髮風

草不留霜永池共如月寂寥此間惟琴尊任所對客念

坐蟬媛年華稍萎蔓夙慕雲澤遊共奉荆臺績一作
績一

聽春鶯喧再視秋鴻沒疲驂良易返恩一作
思波不可越

誰慕臨淄鼎常希茂陵渴依隱幸自從求心果蕪昧方

軫歸與願故山芝未歇

落日悵望

昧旦多紛喧日晏未遑舍落日餘清陰高枕東牕下寒
槐漸如束秋菊行當把借問此何時涼風懷朔馬已傷
慕歸客復思離居者情嗜幸非多案牘偏為寡既乏
瑯琊政方憇洛陽社

賽敬亭山廟喜雨

夕帳懷椒精蠲景潔簪鄉登秋雖未獻望歲佇年祥潭
淵深可厲狹邪車未方矇朧度絕限出沒見林堂秉玉

朝羣帝樽桂迎東皇排雲接虬蓋敷日下霓裳會舞紛
瑤席安歌達鳳梁百味芬綺帳四座沾羽觴福被延民
澤樂極思故鄉登山騁歸望原雨晦茫茫胡寧昧千里
解珮拂山莊

賦貧民田

假遇

一作
佳譽

非將迎靖共

一作
靜拱

延殊慶中歲厯三臺旬月

典邦政曾是共治情敢忘卹貧病將無富教禮孰有知
方性敦本抑工商均業省兼并察壤見泉脉覘星視農

正黍稷緣高殖穡一作稌即卑盛舊埒新塍分青苗白

杭作稌即卑盛舊埒新塍分青苗白

水映遙樹匝清陰連山周遠淨即此風雲佳孤觴聊可

命既微三載道庶藉雨岐詠俾澗倉廩實余從谷口鄭

移病還園示親屬

疲策倦人世歛性就幽蓬停琴佇涼月滅燭聽歸鴻涼
薰乘暮晰秋華臨夜空葉低知露密崖斷識雲重折荷
茸寒袂開鏡照衰容海暮騰清氣河闕祕棲沖煙衡時

未歇芝蘭去相從

治宅

結宇夕陰街荒幽橫九曲迢遞南川陽迤邐西山足闢
館臨秋風敞牕望寒旭風碎池中荷霜翦江南菉既無
東都金且稅東臯粟

秋夜講解

四緣去誰肇七識習未央沈沈一作淵倒營魄告墜威愁
腸琴瑟徒爛漫姱容空滿堂春顏遽幾日秋壘終茫茫
孰云濟沈溺假願託津梁惠唱擣泉湧妙演發金相空

有定無執賓實固相忘自來呈首夏及此申暮霜雲物
清晨景衣巾引夕涼風振蕉蓬裂霜下梧楸傷一作露
下梧桐

傷六龍且無借三相寧久長何時接靈應及子同舟航

春思

茹谿發春水陟山起朝日蘭色望已同萍際轉如一巢
燕聲上下黃鳥美儔匹邇郊阻遊衍故人盈契闊夢寐
借假黃思歸賴倚瑟幽念漸鬱陶山檻水為室

秋夜

秋夜促織鳴南鄰搗衣急思君隔九重夜夜空佇立北
窓輕幔垂西戶月光入何知白露下坐視階前濕誰能
長分居秋盡冬復及

詠風

徘徊發紅萼歲蕤動綠蘂垂楊低復舉新萍合且離步
簷行袖靡當戶思襟披高嚮飄歌吹相思子未知時拂
孤鸞鏡星鬢視參差

詠竹

牕前一叢竹青翠獨言奇南條交北葉新筍雜故枝月
光疏已密風來起復垂青扈飛不礙黃口得相窺但恨
從風籜根株長別離

詠落梅

新葉初冉冉初蕊新菲菲逢君後園燕相隨巧笑歸親
勞君玉指摘以贈南威用持挿雲髻翡翠比光輝日暮
長零落君恩不可追

詠牆上梔子

有美當階樹霜露未能移金蕡發朱彩映日以離離幸
賴夕陽下餘景及西枝還思照綠水君階無曲池餘榮
未能已晚實猶見奇復留傾筐德君恩信未貲

古詩紀卷六十九

欽定四庫全書

古詩紀卷七十

明 馮惟訥 撰

齊第五

謝朓

三

詩

奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂淵道善
誘宗學原鳴鐘霽幽抱仁馬徂宛洛清徽夜何早歲晚

結松陰平原亂秋草不有至言揚終滯西山老

和何議曹郊遊二首

春心澹容與挾弋步中林朝光映紅萼微風吹好音江
垂得清賞山際果幽尋未嘗遠離別知此愜歸心流泝
終靡已嗟行方至今

江皋倦遊客薄暮懷歸者揚舲浮大川惆悵至日下
霍靡青莎被潺湲石溜瀉寄語持笙簧舒憂願自假歸
途豈難涉翻同江上夏

和劉西曹望海臺

此詩本見謝朓集選詩拾遺云
鍾憲作不知何據既不能明姑

並存

之

滄波不可望望極與天平往往孤山映處處春雲生差
池遠鴈沒帆沓羣鳬驚竚塵及薄領棄捨出重城臨川
徒可羨結網庶時營

和宋記室省中

落日飛鳥遠憂來不可極竹樹澄遠陰雲霞成異色懷
歸欲乘電瞻言思解翼清揚婉禁居秘此文墨職無歎

阻琴樽相從伊水側

和王著作融八公山

二別阻漢城雙嶠望河澳茲嶺復躋屹分區奠淮服東
限瑯琊臺西距孟諸陸阡眠起雜樹檀欒蔭脩竹日隱
澗凝空雲聚岫如復出沒眺樓雉遠近送春目戎州昔
亂華素景淪伊穀阽危賴宗袞微管寄明牧長蛇固能
剪奔鯨自此曝道峻芳塵流業遙年運倏平生仰令圖
吁嗟命不淑浩蕩別親知連聯其作翩戒征軸再遠館娃

宮雨去河陽谷風煙四時犯霜雨朝夜沐春秀良已凋
秋塲庶能築

和伏武昌登孫權故城

伏曼容為
武昌太守

炎靈遺劒壘當塗駭龍戰聖期缺中壤霸功興寓縣鵠
起登吳山鳳翔凌楚甸衿帶窮巖險帷幕音亦盡謀遼北
拒溺驂鱸西龕收組練江海既無波俯仰流英眄表冕
類禋郊卜揆崇離殿釣臺臨講闈樊山開廣謙文物共
歲壯聲明且葱蒨三光厭分景書軌欲同薦參差世祀

忽寂寞市朝變舞館識餘基歌梁想遺嚙故林衰木平
荒池秋草徧雄圖悵若茲茂宰深遐睠幽客滯江皋從
賞垂纓升清危阻獻酬良書限聞見幸藉芳音多承風
采餘絢于役倘有期鄂渚同遊衍

夏始和劉潺陵

威仰弛蒼郊龍曜表皇隰春色卷遙甸炎光麗近邑白
蘋望已騁緗荷紛可襲徒顧尺波旋終憐寸景戢對窻斜
日過洞幌鮮飈入浮雲去欲窮暮鳥飛相及柔翰鎮芳

塵清源非易揖廻江難絕濟云誰暢佇立良宰勗夜漁
出入事朝汲積羽余既裳更賦子盈粒椅梧何必零歸
來共棲集

新治北窓和何從事

國小暇日多民淳紛務屏闢牖期清曠開簾候風景決
決日照溪團團雲去嶺峯羨蘭橑峻驛闌石路整池北
樹如浮竹外山猶影自來彌弦望及君臨箕頰清文蔚
且詠微言超已領不見城壕側思君朝夕頃廻舟方在

辰何以慰延頸

和王主簿李哲怨情

掖庭聘絕國長門失歡宴相逢詠靡蕪辭寵悲團

一作班

扇花叢亂數蝶風簾入雙燕徒使春帶賒坐惜紅粧變
生平一顧重宿昔千金賤故人心尚爾故心人不見

一作

故人心
不見

和徐都曹出新亭渚

宛洛佳遨遊春色滿皇州結軫青郊路廻瞰蒼江流日

華川上動風光草際浮桃李成蹊徑桑榆蔭道周東都
已倣載言歸望綠疇

和劉中書

昔余侍君子歷此遊荆漢山川隔舊賞朋僚多雨散圖
南矯風翩曾非息短翰移疾覩新篇披衣起淵翫惆悵
懷昔蹤彷彿得殊觀頽紫共彬駿雲錦相凌亂奔星上
未窮驚雷下將半迴潮漬崩樹輪囷軋傾岸巖篠或傍
翻石菌蕪脩幹澄澄明浦媚衍衍清風爛江潭良在目

懷賢興累歲暮不我期淹留絕巖畔

和蕭中庶直石頭

九河亘積岨三蔓鬱旁眺皇州總地德回江欵巖徼井
幹絕蒼林雲甍散層嶠川霞旦上薄山光晚餘照翔集
亂歸飛虹蜺紛引曜君子奉神略瞰迥憑重峭彈冠已
籍甚升車益英妙功存漢冊書榮並周庭燎汲疾移偃
息董園倚談笑麾旆一悠悠謙姿光且劭謙嘉多暇日
興文起淵調曰余廁鱗羽滅影從漁釣澤渥資投分逢

迎典待詔詠沼邈含毫專城空坐嘯徒慚皇鑒揆終延
曲士誚方追隱淪訣偶解金丹要若偶亞咸招帝闇良
可叫

和王長史卧病

岬岫欵崇崖派別朝洪河兔園文雅盛章臺冠蓋多淵
襟眷賡丘巒贊動忼歌顧影慚駢服載筆旅江沱縞衣
分可獻琴言曖已和青臯向還色春潤視生波巖垂變
好鳥松上改陳蘿日與歲眇邈歸恨積一作稍蹉跎願緝

吳山杜寧袂楚池荷清風豈狐劭功遂懷曾阿勿藥良
有暢在尊芳未過幸留清尊味言藉故田莎

和江丞北戍瑤琊城

春城麗白日阿閣跨層樓蒼江忽渺渺驅馬復悠悠京
洛多塵霧淮濟未安流豈不思撫劍惜哉無輕舟夫君
良自勉歲暮勿淹留

和沈祭酒行園

清淮左長薄荒徑隱高蓬回潮旦夕上寒渠左右通霜

畦紛綺錯秋町鬱蒙茸環梨縣已紫珠榴折且紅君有
棲心地伊我歡既同何用甘泉側玉樹望青葱

奉和隨王殿下十六首

高秋夜方靜神居肅且深閒階塗廣露涼宇澄月陰蟬
娟影池竹踝蕪散風林淵情協爽節詠言興德音闇道
空已積千直愧蓬心

星回夜未艾洞房凝遠情雲陰滿池榭中月懸高城喬
木含風霧行鴈飛且鳴平臺盛文雅西園富羣英芳

慶良永矣君王嗣德聲眷此伊洛詠載懷汾水情顧已
非麗則恭惠奉仁明觀淄詠已失撫然愧簪纓

神心遺魏闕中想顧汾陽肅景懷辰豫捐玦翦山糧一作

時維清夏始雲景曖含芳月陰洞野色日華麗池光

草合亭皋遠霞生川路長端坐聞鶴引靜瑟愴復傷懷

哉泉石思歌詠鬱瓊相春塘多迭駕言從伊與商裘職

眷英覽獨善伊何志願輶東都遠弘道侍云梁

睿心重離析歧路清江隈四面寒飈舉千里白雲來川

長別管思地迥
旆旗回還顧昭陽
闕超遠章華臺置酒
巫山日為君停玉杯

桂樓飛絕限超遠
向江岐輕雲霽廣甸微風散清漪
連連絕鴈舉渺渺青煙移嚴城亂芸草霜塘凋
素枝氣與深遙屬豫永聊停羲即已終可悅盈尊
且若斯

念深冲照廣業闡
清化玄端儀穆金殿敷教藻瓊筵
船湛輕帷藹磬轉芳風旋卷轡道樹方津棹法

舷歸興憑大造昭塗良易筌

玄冬寂修夜天圍靜且開亭臯霜氣愴松宇清
風來高琴時以思幽人多感懷幸藉汾陽想嶺

首正徘徊

愴愴緒風興祁祁族雲布嚴氣集高軒稠陰結寒樹日
月謬論思朝夕承清豫徒藉小山文空揖童臺賦

肅景遊清都修簪侍蘭室累榭疎遠風黃庭麗朝日
穆穆神儀靜愔愔道言密一食繫靈表無吝科年歷

清房洞已靜閒風伊夜來雲生樹陰遠軒廣月容開宴
私移燭飲遊賞藉琴臺風猷冠淄鄴衽鳥愧唐枚

方池含積水明月流皎鏡規荷承日泣影鱗輿風泳上
善叶淵心止川測動性幸是方春來側點游濠城

浮雲西北起飛來下高堂合散輕帷表飄舞桂臺陽遙
階收委羽平地如夜光眷言金玉照顧慚蘭蕙芳

炎光缺風雅宗霸極時淪龍德侍雲霧令圖方再晨歲
遠荒城思霜華宿草陳英威遽如是徘徊歧路人

分悲玉瑟斷別緒金樽傾風入芳帷散缸華蘭殿明想
折中園草共知千里情行雲故鄉色贈此一離聲

年華豫已滌夜艾賞方融新萍時合水弱草未勝風閨
幽瑟易鄉音臺迥月難中春物廣餘照蘭萱佩未窮

連漪映餘雪嚴城限深霧清寒起洞門東風急池樹神
居望已肅徘徊舉冲趣棲歸如遲詠丘山不可屢

和紀參軍服散得益

金液稱九轉西山歌五色鍊質乃排雲濯景終不測雲

英亦可餌且駐羲和力能令長卿卧暫故遇貞識

和王中丞聞琴

涼風吹月露圓景動清陰蕙風入懷抱聞君此夜琴蕭瑟
滿林聽輕鳴響潤音無為澹容與蹉跎江海心

贈王主簿二首

日落牕中坐紅粧好顏色舞衣襞未縫流黃復不織蜻蛉草際飛遊蜂花上食一遇長相思願寄連翩翼
清吹要碧玉調弦命綠珠輕歌急綺帶含笑解羅襦餘

曲詎幾許高駕且踟躕徘徊韶景暮一作憐暮景惟有洛城

隅

和沈右率諸君餞謝文學

春夜別清樽江潭復為客歎息東流水如何故鄉陌重
樹日芬蘊芳洲轉如積望望荆臺下歸夢相思夕

古詩紀卷七十